

طريقه محمدية ترجمه سى تكمله نك فهرستى

۳۷ علم نجوم دن قسم حرام	۲ مقدمة الكتاب
۳۸ علم مندوب	۳ اعتصام بالكتاب
۳۸ فضيلت مندوب	۳ مطلب العمل بالسنة
۳۸ شرر بدنى كيدره جك	۷ انواع بدعت حسنه
علاجر او چدر	۷ مطلب بدعت واجبه
۳۹ بيان تصحيح نيت	۷ بدعت سيئه مردوده
۴۶ فضيلت عبادت متعديه	۹ مذهب قدرية وجبريه
۴۷ بيان فضيلت علم حال	۱۰ بدعت فى العباداة
۵۴ بيان خارق عادت	۱۱ سنت زائده
۵۶ بيان تقوى و فضيلت تقوى	۱۱ بعض متصوفه نك كلام باطلى
۵۷ بيان تفسير تقوى	۱۲ معنای صوفيلق
۵۸ بيان شرط ولايت	۱۳ حكاية غريبه ۲ بيان غريبه
۶۰ مأمور به اولان تقوى	۱۵ حكاية بشرحافى قدس سره
۶۰ تقوانك جارى اولديغى اعضا	۱۶ المطلب الاقصى من العمل
۶۰ بيان منكرات الوجودى	۱۹ بيان انواع كسب
۶۱ منكرات قلب	۲۲ شريعته امور مهمه
۰۰ بيان تحصيل حسن خلق	۲۳ اعتقاد اهل السنة والجماعة
۶۲ بيان اخلاقك منشائى	۲۴ رؤياده حق جل وعلايى كورمك
۰۰ بيان تبديل اخلاق	۲۵ اجل قضا واجل معلق
۶۵ ذم اخلاق سيئه	۲۷ ايمان واسلام بردر
۶۵ بيان والدين رسول حقنده كلام	۲۸ اعتقاد قطعى لازمدر
۶۶ بيان انواع كفر	۲۹ صحت ايمان المقلد
۶۸ بيان انواع جهل	۳۲ مذاهب فرق ضاله
۶۹ كفر انكارى وعنادى	۳۲ بيان مذاهب مرجئيه
۶۹ آفات خب الرياست	۳۳ تبنيه سالك آخرت
۷۱ آفات خوف ذم و حب مدح	۳۴ مقصود اولان علم نافع
۷۲ بيان كفر حكيمى	۳۵ فرض كفايه
۷۳ آفات اعتقاد بدعت	۳۵ علوم منهيه
۷۵ آفات التقليد فى الاعتقاد	۳۶ علم نجوم
۷۷ ريانك بحشرى	


۱۴۱	اسباب کین و غضب	۷۸	ریانه ایله حاصل اولور
۱۴۲	بیان تهور وازاله تهور	۸۲	بیان ریاء خفی
۱۴۳	غضبنی یوتما نك فائده سی	۸۳	بیان غبطه و احکام ریا
۱۴۴	غضبک علاج عملیسی	۸۷	سبب طول امل و ذم طول امل
۱۴۷	بیان غدر و نقض و خیانت	۸۸	آفات طمع
۱۴۸	علامت منافق	۸۹	ریا ایله اخلاصک اختلاطی
۱۵۰	حکایه مالک ابن ضیف	۹۲	منشاء الخواطر
۱۵۲	بیان اختلاف امرجه بشریه	۹۲	بیان علامت خاطر خیر و خاطر شر
۱۵۲	بیان مقام حلم و فائده سی	۹۲	بیان حیل شیطان
۱۵۴	بیان آفات سوء ظن	۹۶	حکایه طوطی
۱۵۶	بیان فوائد حسن الظن	۱۰۰	بیان علاج ریا
۱۵۷	بیان آفات تطیر	۱۰۲	تقسیم علاج ریا
۱۶۱	بیان بخل	۱۰۳	اختلاف المشایخ فی ترجیح الخوف والرجا
۱۶۲	بیان أسر	۱۰۳	بیان آفات کبر
۱۶۸	بیان آفات بخل و حب مال و سبیه	۱۰۴	بیان آفات تذلل
۱۷۱	آفات حب دنیا و غائله سی	۱۰۸	بیان اسباب کبر و علاجه
۱۷۲	آفات حرص	۱۱۶	اقسام میل و محبت
۱۷۳	بیان مدح فقر	۱۱۸	تواضع وانك تحصیلی
۱۷۵	بیان آفات اسراف و ریا	۱۱۹	نصیحت امام شافعی رحمه الله تعالی
۱۷۸	بیان مال حق تعالینک نعمتی ایدوکی	۱۱۹	بیان آفات عجب
۱۸۰	بیان مال ایچون ایکی جهت واردر	۱۲۰	حکایت لطیفه
۱۸۰	اصناف اسراف	۱۲۱	بیان علاج عجب
۱۸۷	صدقه ده اسراف اولور می و اولزمی	۱۲۳	بیان آفات حسد
۱۸۹	بیان علاج اسراف	۱۲۵	بیان غیرت مقبوله
۱۹۰	بیان اسباب اسراف	۱۲۷	بیان غوائل حسد
۱۹۱	آفات بطالت و شاشقنلق	۱۲۹	بیان حسد و حکایه عجیبه
۱۹۳	آفات مجله فی الامور	۱۳۱	بیان حسدک علاج قلعیسی
۱۹۴	عبادتق تأخیر ایتمنک آفاتق	۱۳۴	نصیحت شیخ شعراوی قدس سره
۱۹۵	آفات غلظه قلب	۱۳۶	حکایه لطیفه
۱۹۵	آفات وقاحت یعنی ادب سزلك	۱۳۷	بیان آفات حقد
۱۹۶	آفات شکوی و فزع	۱۳۸	بیان آفات شماتت
۱۹۷	آفات کفران نعمت	۱۳۹	بلاوه صییت اوچ شیدن خالی دکدر
۱۹۸	بیان فضیلت شکر	۱۴۰	آفات هجر و عداوت

٢٣٦	افات حريص جاع و طعام	٢٠٠	بيان افات غضب
٢٣٧	بيان افات ترك جاع	٢٠٠	بيان قضايه رضا
٢٣٧	افات اصرار على المعاصي	٢٠١	حكايه اعرابي
٢٤١	بيان محاسبه عبد تائب	٢٠٢	افات تعليق الى غير الحق
٢٤٤	بيان حكاية حبيب مجمي	٢٠٣	بيان توكل و اقسامه
٢٤٤	وصيه الميت و فضيلتها	٢٠٤	بيان افات حب فسقه
٢٤٧	مبحث مهم جدا	٢٠٥	طريق حقه دعوتك شروطي
٢٤٩	حكاية نور الدين حمزه	٢٠٧	افات بعض علما و صلحا
٢٤٩	فضيلت استقامت	٢٠٧	بيان وصول الى الله تعالى
٢٥٠	فضيلت ادب	٢٠٩	بيان قاعدة محبت
٢٥١	فضيلت فراست	٢٠٩	افات جرئت على الله تعالى
٢٥٢	قيافه نامه شيخ شعراوى	٢٠٩	معناى عبوديت
٢٥٤	فضيلت تفكر و صدق	٢١٠	خوف و خشيت مشايخ عظام
٢٥٥	بيان فضيلت مرابطه	٢١٢	بيان مناقب امام نووى
٢٥٥	بيان مراتب اولياء كرام	٢١٢	افات قطع اميد
٢٥٦	تنبيه سلو كدن مراد	٢١٥	بيان امور دنيا دن خوف
٢٥٧	ولايتك قسملى	٢١٦	افات الحزن لامر الدنيا
٢٥٨	بيان افات لسان	٢١٦	افات الخوف لامر الدنيا
٢٥٩	انواع افات لسان	٢١٩	افات غل و غش
٢٥٩	افات كلمه كفر	٢٢٠	ظلم ايكي نوعدر
٢٥٩	بيان الفاظ كفر	٢٢٢	بيان افات قننه
٢٦٣	بيان افات كذب	٢٢٣	بيان اداب الواعظين
٢٦٤	بيان توبه بهتان	٢٢٧	مطالعه سندن حذر
٢٦٧	بيان كذبك اوج محله جاز اولديغى	٠٠٠	لازم اولان كتابلر
٢٦٨	افات تعريض	٢٢٨	افات مداهنه
٢٦٩	افات غيبت	٢٣٠	افات انسيه مع الناس
٢٧١	بيان رخصت غيبت	٢٣٢	بيان افات خفت
٢٧١	اقسام غيبت	٢٣٢	افات عناد و او كمنك
٢٧٤	قعو جيلغك افاتى	٢٣٢	بيان افات نفاق
٢٧٨	افات مسخره لغه المتق	٢٣٣	بيان افات تمرد و جرزه
٢٧٩	افات لعنت ايتك	٢٣٤	بيان علوم مشايخ كرام
٢٨١	افات سب شتم و دشنام	٢٣٥	افات بلادت و غباوت

- ٢٨٢ افات فحشيات كلام
 ٢٨٣ افات طعن و تعيب
 ٢٨٣ افات صاعو صاعق
 ٢٨٤ افات مجادله
 ٢٨٤ افات خصومت
 ٢٨٥ افات اير لامق
 ٢٨٧ شرائط جواز سماع
 ٢٨٨ افات افشاء شر
 ٢٩٠ افات حوض باطل
 ٢٩٠ افات جر و سؤال مال
 ٢٩٢ افات السؤال عن ذاته تعالى وصفاته
 ٢٩٣ بيان تحقيق قضا و قدر
 ٢٩٤ افات مشكلات و مغلظه دن سؤال
 ٢٩٤ وافات تعبیرده خطا
 ٢٩٥ افات نفاق قولی و علامت منافق
 ٢٩٦ افات ايكي يوزلوك
 ٢٩٦ افات شفاعت سيئه
 ٢٩٧ افات امر بالمنكر و نهى عن المعروف
 ٣٠٢ عفته كلام سويليك افاتى
 ٣٠٣ افات تفتيش عيوب الناس
 ٣٠٣ افات تكلم الجاهل عند العالم
 ٣٠٥ اذان او قنور كن و نمازده
 ٠٠٠ سوز سويليك افاتى
 ٣٠٦ خطبه حالنده سوز سويله منك افاتى
 ٣٠٧ صباح اغار دقن صكره كونش
 ٠٠٠ طوغمه سنه دك دنيا كلامنى
 ٠٠٠ سويله نك افاتى
 ٣٠٧ بيان التكلم فى وقت الجماع
 ٣٠٧ مسله بد دعا ايتك افاتى
 ٣٠٧ افات كافره و ظالمه بقا و حصول
 ٠٠٠ مراد ايله دعا ايتكدر
 ٣٠٨ مسجوده كلام سويليك افاتى
 ٣٠٨ و فنالقب قومك و يلان يره يمين
 ٠٠٠ ايتك و اللهك غيرى به يمين ايتك
 ٠٠٠ افاتى
 ٣٠٩ افات كثر ت يمين
 ٣٠٩ بكلك و قاضيلق استمنك افاتى
 ٣١٥ افات طلب توليت
 ٣١٥ افات كشى كندى نفسنه
 ٠٠٠ بد دعا ايتك
 ٣١٧ افات رد قبول عذر المؤمن
 ٣١٨ افات تفسير القران بالرأى
 ٣١٨ مؤمنى قور قتمك و كلامنى
 ٠٠٠ قطع ايتك افاتى
 ٣٢١ افات رد التابع كلام
 ٠٠٠ المتبوع
 ٣٢١ افات كثر سؤال
 ٣٢٢ افات بشقه سنك ياننده كيزلى
 ٠٠٠ سويليك
 ٣٢٢ تازه اجنبيه خاتون ايله سويلشمنك
 ٠٠٠ افاتى
 ٣٢٢ بيان افات بلا حجة ذميه سلام
 ٠٠٠ ويرمك و تبون و تغوط حالنده
 ٠٠٠ سلام ويرمك
 ٣٢٢ مصيت اولان محله يول
 ٠٠٠ كو سترمك افاتى
 ٣٢٢ معصيت اولان يره اذن ويرمك
 ٠٠٠ افاتى

- ۳۲۳ افات لطیفه و مزاج
 ۳۲۸ بیان جواز شروط مدح
 ۳۳۵ بیان افات فضول کلام
 ۳۳۵ بیان انتظام معاش
 ۳۳۶ تلاوت قرآن و دعا
 ۳۳۷ بیان افات سکوت
 ۳۴۰ بیان لزوم الصمت
 ۳۴۱ بیان افات اذن
 ۳۴۳ بیان تفصیل احکام سماع
 ۳۴۵ افات اعراض عن الاستماع
 ۳۴۵ بیان افات العین
 ۳۴۸ حکایت عجیبه
 ۳۴۹ حکایه لطیفه
 ۳۴۹ بیان اعظم افات العین
 ۳۵۲ بیان حسن معاشرت مع الازواج
 ۳۵۴ بیان افات الید تفصیلا
 ۳۵۸ افات بدن
 ۳۶۲ بیان افات البطن تفصیلا
 ۳۶۹ بیان سنه اکل الطعام
 ۳۷۴ افات بطنک معاصی عدمیسی
 ۳۷۵ بیان افات الفرج
 ۳۷۹ بیان اداب الجماع
 ۳۸۹ بیان افات الرجل
 ۳۸۳ جمیع اعضا به شمولی اولان افات لک بیانی
 ۳۸۵ افات بدن در بر کیمسه قنده ادب
 ۰۰۰ یرین آچق و حریر کیمک
 ۳۸۶ لباسنده ایکی شهرتدن اجتر از ایتمک
 ۳۸۶ اجنیه خاتونک بدنه یا یشمنک افاتی
 ۳۸۹ انایه و بابایه قاق اولمه نك افاتی
 ۳۹۴ خاتونلرک ارینه جفا ایتملر نك افاتی
 ۳۹۷ بیان تربیه اولاد
 ۳۹۸ دعاء عقیقه قربانی
 ۴۰۱ او غلبه قله چوق ضرب ایتمک
 ۰۰۰ ضرری
 ۴۰۳ بیان تربیه دختر
 ۴۰۵ تربیه جوارى و عبید
 ۴۰۶ بیان حق الجار
 ۴۰۷ افات سوء جلیس
 ۴۰۸ احق کیمسه ایله مصاحبتمک ضرری
 ۴۰۸ دوست و احباب صادق کیمدر
 ۴۱۱ افات کولکه ایله کونش اراسنده
 ۰۰۰ و مصیبت ایچون مسجده او طور مق
 ۴۱۱ افات بدن در سلام الورکن اکلمک
 ۴۱۳ سحر ایتمک افاتی
 ۴۱۳ خاتونک آته بنسی
 ۴۱۳ کشی بیغنی کسممک افاتی
 ۴۱۴ عورت محر مسز سفره کتمک افاتی
 ۴۱۵ افات بدن در نمازی و ابدست و غسلی
 ۰۰۰ و نمازده تعدیل ارکانی ترک ایتمک
 ۴۱۶ افات کفارت و حج و قضای
 ۰۰۰ و غزایی ترک ایتمک
 ۴۱۶ افات مارده ایله اچمه و یرمک
 ۴۱۸ افات بدن در بیتنده چنکی طوتمق
 ۴۲۰ مانه و طرنق و قولتیق و بیق قرقتی
 ۰۰۰ ترک ایتمک افاتی
 ۴۲۲ او چنجی باب تفوايه مشابهتی اولور
 ۰۰۰ تقوادن عدا و لئیمان شی پاننده در
 ۴۲۳ طهارتده مبالغه ایله دقت ایتمک افاتی
 ۴۲۵ فی اخر الزمان تصیر البدعة سنه

٤٣٥	وظيفة مك	٠٠٠	البدعة سنة
٤٣٩	خاتمة الكتاب في الوصايا	٤٢٨	أمة حنيفة دن و ارداولان اقوال
٠٠٠	في ان الدنيا فانية وان كل من	٤٢٩	ذم وسوسه
٠٠٠	عليها فان وان الدار الاخرة	٤٢٩	بيان علاج وسوسه
	هي دار القرار	٤٣١	طهارت و نجاسته اولان اختلاف
		٤٣٤	وقفدن بيت المالدن



بِسْمِ اللَّهِ الرَّحْمَنِ الرَّحِيمِ

جد بجد الله حضرت تیرینه اولسونکه لسان انسانی ترجمان جنان ایلیوب نهان اولان معانی بیانہ قدرت احسان ایلدی * و صلاة و سلام رسول نبوت ختام اوزرینه اولسونکه امتنه طریقت محمدیه بی کمال مرتبه رغبتله بیلدیروب اول یوله دلالت قیلدی * و آل و اصحابنه سلام بیایان اولسونکه انلرک هر بری صلاح و تقواده بوامته مقتدی کلدی (وبعد) طریقت محمدیه که برکوی محمد افندی نام فاضلک تألیفی و عند العلماء مقبول تصنیفیدرکه سالک راه هدایت اولانلره رهبر و طالب نور حقیقت اولانلره شمس و خاور مثابه سنده بر شریف کتابدر امالسان عربیله اولوب امی اولنلره نفع و فائده سی قلیل اولغین بوندن مقدمینه فاضل مزبورک اولادن عصمتی نام کامل ترکی نامنه ترجمه ایتدیکی منظوریمز اولوب ولکن اصطلاحاتی طمطراق و عباراتی اختصار اوزره اتفاق دوشوب امیلره نفعی اولمق قنده بلکه طالب مستخرج ربط کلام و نهم مقصود و مرام ایتده عاجز قالدور ایدی اکابناء بعض اخوانک اقدامیله بو عبد فقیر و دادی بر تقصیر بعون الله الملك القدير بقدر الامکان ترکی لسان ایله ترجمه و بیان ایلمکه شروع ایلدی تا که نفعی اتم و فائده سی اعم اولوب خیردمايه سبب اوله و بعض محلری کتب معتبر اتدن تندیل و تکمیل اولمغله (تکمله طریقه) دیونام ویرلدی و اهب الامال درکاهندن مأمول و مسؤل اولان بودرکه سعی مشکور و جرم و خطاسی مغفور (قطعه) اشبو جهانندن کیده جک هی دریغ * آکایسر نامیزی کیمسه لر * انکجون اشواتر قونیلور * یادایده لر تا که بزى نیجه لر * و بو کتاب اویچ باب اوزرینه دوزیلوب

هر باینده بر قاج فصل قلنمشدر تا که مراد اولان خصوصى بابله و فصله بولمق آسان
 اوله (اولكى باب اوج فصل قلنمشدر) اولكى فصل ینه ایكى نوع اوزرینه در
 (اولكى نوعى قرآن عظیم الشانى هر حالده تمسك ایدوب بیورد یغیله عامل اولمسی
 بیاندر قال الله تعالى * واعتصموا بحبل الله جميعا ولا تفرقوا) یعنی الله سبحانه
 و تعالی بودنیا غالبه سنه دوشن قولارینی بر قویویه دوشمش طائفه یه تشبیه ایدوب
 بیورر که ای اسفل سافلین طبیعتنه دوشن قولارم جله کز مولا کزک ایننه یایشوب
 و پک طوتنوب آیرمیک تا که دنیاور طه سندن خلاص بوله سز دیمکدر که ایدن
 مراد قرآن عظیم الشاندر مؤمنلرک عقلنه زیاده یرلشمک ایچون قرآنی ایه تشبیه
 بیور مشلر ودخی انسان نیجه یوکسک بیره بکننده چیقار ایسه قرآن ایه دخی اویله
 چیقار و اندن غیرى نیجه آیات کریمه که قرآن عظیم متقیلره هدایت و ظلماتدن نوره
 چیقار مق و مؤمنی رحته اولاشدر مق و شفاء صدر حاصل اولمق کبی که جمیع ایاتک
 نتیجه سی اولدر که قرآن عظیم الشانک حکمیه عامل اولان مؤمن سعادت دو جهانی
 و دیدار رحانی یه واصل اولدیغنی بیان ایدر کذلک رسول صلی الله تعالی علیه
 وسلمک قرآن عظیمه عمل ایتمک خصوص صنده بیوردیغیدر که الله ورسولنه ایمانکز
 و ارایسه اینانمق کرک سیز که بو قرآنک براوجی سیزک الیکزده و براوجی رب العزتک
 یدقدر تنده در ایدمی قویجه یابشک که ایدا هلاک اولمیوب یوق اولماز سیز ودخی
 حدیث شریفده بیورر که قرآن عظیم صاحبنه شفاعت ایدوب و شفا عجبی اولسه
 کرک ودخی او قویوب انکله عمل ایدهنک بابا سنه و اناسنه قیامت کوننده بر تاج
 کیدیره لر کونشک نورندن انک نوری کوبجک اوله ودخی او قویان کیمسه یه هر
 حرفنه اون حسنه و یریلوب وزمانه نک قتنه و فسادندن امین اولمق کبی فضیلتلر
 ذکر اولمشدر (ایکنجی نوع حضرت حبیب اکرمک سنتی ایه عامل اولمق بیاننده در که
 اکا اطاعت ایدوب امر طوتمق ونهی ایتدیکنندن قاچنمق) اطیعوا الله و اطیعوا
 الرسول لعلکم ترحون (ایت کریمه سندن اکلانور که رسول الله اطاعت رب العزته
 اطاعتد و دخی الله ورسولنه اطاعت ایدنلر انبیا و اولیا و شهدا ایه حشر اولماسنه
 رب العزتک و عدا یلمه سی آیتی کذلک (و اطیعوا الله و اطیعوا الرسول و اولی الامر منکم)
 آیت کریمه سندن اکلان بودر که رب العزته ورسولنه و اولی الامر اطاعت و اجبدر
 و اولی الامر دن مراد بر قولده علمابر قولده امراء و والیلر در اکابناء و امر دپاشاهی یه
 اطاعت و اجبدر و لکن معصیتله امر اولمدیغی تقدیر جهدر و کندی سنتنه قندر مق
 باینده رسول اکرم صلی الله تعالی علیه و سلم بیور مشدر که (علیکم بسنتی و سنته

رو

مطلب
عمل بالسنة

الخلفاء الراشدين من بعدى تمسكوا بهما وعضوا عليهما بالنواجذ (معنای شریفی
 بنم ستم و بندنصکره خلفاء راشدينک سنتی سزک اوزیکزه لازمدر اکاقوی یاپشک
 دیش و طرفناه طوتک دیمکدر و ستمدن تکا سلی سببیه یوز جویرن شفا عمدن
 محرومدر دیویوروا کر عیاذا بالله استخفا فایعنی یلنی طوتوب سنتی ترک ایلسه
 کفرنده شبهه یوقدر و بیوررکه سنتمی سون بنی سو مش اولور و بنی سو بنله
 جنته بیله کیرر ایمدی امتنه لازم اولان بودرکه دایما انک سنتنی ارایوب و بیلوب
 انکله عمل ایلیه و بدعت و ضلالتدن اجتناب ایلیه زیرابر حدیثنده بیور مشدرکه
 بر زمان کله جک که خلق بدعتنه سنت و سننه بدعت دیه لر شیخ شعراوی تنبیه المغترین
 نام کتابنده یاز مشدر (و حدیث آخرده بودین اسلام غریبا ظهور ایتدی و یقین زمانده
 ینه غریبلغه دونسه کر کدر دیو بیور مشدر یعنی سنتنی طوتان مؤمنین از اولوب
 اهل هوا غلبه ایتدیکنه اشارت ایدر و بویله زمانده دیننی صاقنوب سننله
 عمل این حقنده بیوررکه (بر کیمسه اتمک فسادی زمانده بنم سنتمه یاپشوب
 موجبیله عمل ایلسه آنک ایچون یوز شهید ثوابی واردر و حضرت امتک
 یتش اوج فرقه اولوب برفرقه سندن غیری جمله سی اهل جهنم اولدیغنی خبر
 و یروب اول نجات بولان فرقه اهل سنتدر دیو بیور دیغندن لازم اولان بودرکه
 کمال مرتبه سنت رسوله اقتدا ایدوب ظهور ایدن بدعتلردن صاقنه لر تاکه
 اعتقادینی بوز میوب یتش ایکی فرقه دن بریسی اولیده لر (و فصول مفصلده
 امام غزالی دن نقل ایدرکه دیمشدر حبیب اللهک یتش ایکی فرقه بیوردیغنی
 کثرتدن کنایه دریوخسه ازغون طائفه اعتقاد بوزغونلغیله بیک عدددن
 آرتقدر دیو بیور مشدر و بو کلام حیز قبوله کلک زوادر (ایمدی بو فصلده
 نتیجه کلام بزه بو ظاهر اولدیکه دین با بنده همان کتاب الله و احادیث
 رسول الله و بو ایکی سندن چیقمه کتابلر ایله عمل ایتک و آنلری اوقوب شغل
 ایدنمک واجب اولدی (یوقسه لهو حدیثدن اولان رستم و اسفندیار حکایه
 لریکه بر آلی آتش پرست انتقام دعوا سنده ایتدی هینکا ملری و رافضیلرک
 مدح جزه و علی ایچون یاز دقلری مبالغه لری و رد ایدنمک کشینک اوقات
 عزیزینی ضایع ایتدیکندن غیری عقیده سنی پریشان ایلر بونلردن غیری مقتل
 حسین اوقومق که بین الناس مشهور اولان شیعه دن فضولی بغدادینک
 حدیقه سی کبیکه محب خاندانم دیو واقع غیر واقع نیجه کلام بهوده درج

ایشان در اصحاب کرام مابیننده واقع اولان غوغالری آرامق و طرامق بزه جائز دکلدن
 زیرا انلرک هر برینک تأویلی واردردیو علماء عظام بوبابی سد ایشلر (ودخی
 تحریک هوایه باعث اولان لیلی و مجنون و یوسف و زلیخا قصه لری و اشعار
 عاشقانه او قومق و دکلک بی فائده اولدیغندن ماعدا کشینک نفسنی دغدغهیه
 دوشوروب و ذکر خدادن اغفال ایلرکه خط لرک باشی اولان حب دنیا بودر
 حضرت مولانا مشوینسندده دیدیکی کبی (چیست دنیا از خدا غافل بدن
 * نی قماش و نقره و فرزندوزن * معناسی اکر مذموم اولان دنیا ندر دیو
 صورار ایسک خدادن غافل اولمقدر یوخسه قوماش اقچه و اوغل و اولاد
 دکلدن (اول سبیدن حقک کلامیله ورسولنک بیور دیغنی سوز ایله عامل
 اولمق استیان کتب شرعیهدن او قیوب و دکایوب مغلطه و غفلت کتوره جک
 معالردن پرهیز اوزره اولغه سعی ایتک کرک تا که بدعتدن خلاص بوله
) ایکنجی فصل بدعتلر بیاننده در حضرت عایشه رضی الله عنها حبیب
 اکرمدن بو خصوصده حدیث شریف روایت ایدر که بیور مشدر (بر کیمسه
 که دینز جنسندن اولیان شیء احداث ایلسه اول شیء مردوددر یعنی مقبول
 شریعت دکلدن) و بر حدیثنده طرفزدن بروجله اذن اولیان فعلی هر کیم
 ایشلر سه اول عمل مردوددر دیو بیور مشدر (بر حدیثنده دخی هر پیغمبرک
 امتی که زمانه سندنصکره بر بدعت احداث ایشلر انک یرینه بر سنتی ضایع
 ایشلردر (فقیر ایدرین بلکه واجبی بیله ضایع ایشلردر مثلا بو عصرده
 مؤذنلرک جمع کونلرنده محفلدن حطیبه قارشو تصلیه و ترضیه ایتک بدعتیله
 احادیث ایله واجب اولان سکوتی ترک ایلمشلردر) و امام بخاری زهریدن
 نقل ایدر که بر کون انس حضرتلرینک مجلسنه کلوب انی اغلر کوردم
 سببی سؤال ایلدیکمده دیدیکه منکر و بدعت قارشمده بر نمازیمز قالمش ایدی
 انجق انی دخی شمدی ضایع ایلدیلر (یعنی خلافت بنی امیه یه کلنجه نماز
 پیغمبریمز قلدیغنی وقتده قلنه کلش ایکن اول دورده اوقات معهوده دن
 تأخیر اولمغله اغلیوب فریاد ایشلدر زیرا جمیع اصحابک بقیه سندن اکصکره
 وفات ایدنلر دندر (حتی امام اعظم رحمه الله تعالی اون یاشنده ایکن صاغ
 اولوب مجلس شریفنه کلدیکه روایت واردر) و بالجمله بدعتدن صافتمق
 لازم اولدیغنه نیجه حدیثنده بیوررکه تنبیه اولمشدر حتی رسول الله حضرتلری
) بر حدیثنده بیوررکه الله تعالی بدعت صاحبک صومنی و حجنی و عمره سنی

و غزاسنی و فرضی و نفلانی قبول ایلمز و قیل خیردن چیقار کبی دین اسلامدن
 چیقار (امدی بوحد یشلرک دلالتی اوزره نه مقوله بدعتدن صافتمق لازمدر
) و قنغی بدعت حسنه در که اشلمه سی جائزدر انی بیان ایلمک اقتضای تدی (معلوم
 اوله که بدعتک لغت معناسی یکیدن ایجاد اولمه شیء دیمکدر مطلقا استر سه
 حقنده شریعت اذنی بروجهله بولنسون استر سه بولنسون (اما بدعتک معنای
 شرعیسی اولدر که صاحب شریعتک نه قولاً و نه فعلاً و نه صریحاً و نه اشاره
 اذنی یوغیکن دینده برشیء ایجاد اینه لر بدعت منهی اولدر) پس صحابه دن
 صکره ظهور ایدن عادت مقوله سنه بدعت سیئه دینلمز (زیرا بدعت نفس
 الا مرده درت قسمدر اولکی قسمی مباح اولان بدعتدر یعنی حبیب اکرم
 صلی الله تعالی علیه وسلم طرفندن ایجادینه اذن اولدیغندن غیری منع دخی
 اولنمیوب و دین باندن اولمیوب انجق عادت ناسدن صادر اولان بدعتدر دن
) مثلاً الک قو للامق و بغدای اونندن خاص اتمک یشور مک و بقلوا مقوله سی
 نفس طعام قایرمق و قرنی طویبجه یمک و صود کر منلری و دیار رومک صوبه لری
 و عربه لری و بار کر ایله چفت سورملری بدعتلری مباح قیلنندنر زیرا
 بونلره (مارأه المؤمنون حسنا فهو عندالله حسن) حدیث شریفی مقتضاسنجه
 اذن و یرلمشدر یعنی مؤمنلرک کوچک کور دکاری شیء عندالله دخی مقبولدر
 دیمک اولور (ایدی بو عصرده خلق جهان نوش ایتدیکی دخان بدعت مباحدن
 اولدی زیرا مبتلاسی اولمیان مؤمنلردن قطع نظر انی ایچن کیمسه لری دخی
 اکثریا حسن کور منزلر بلکه اکراه ایدرلر) و درر غررده دیمشدر که مباح
 اولان شیء استعمال اتمک اول زمان جائز اولور که غیره ضرری و اذاسی
 طوقنیه (پس بالفرض مباح دخی اولسه مرقوم دخانک غیره اذاسی بولنمسی
 حسیله ایچمسی عندالشرع جائز دکلدر قنده قالد یکه خبائث تحتنه داخل
 اولوب خبیثدر دینور و بالجمله مؤمن قرداشلره لازمدر که بوبلای سیاهدن
 جان عزیزینی عنایت توبه ایله آزاد ایلیه) زیرا دار آخرتده کشی رب العزت
 حضورنده درت شیندن سؤال اولور (بری وجودندنکه نه خدمتده وجودینی
 افنا ایلدک) ایکنجی علمندن سؤال اولنور که علمکی دینه می صرف ایتدک
 بوخسه دنیایه می (او جنجی عمرندن سؤال اولنور که هر بر نفسک سرمایئه
 کار آخرت ایچون و یرلمشیدی نزهیه صرف ایتدک) دردنجی مالندن صورارلر که
 نزهدن قرانوب و نزهیه خرج ایتدک غبن فاحش ایله صو صاتیلان پرده بر اچجه

زیاده و یرمک جائز اولیوب بلکه تیمله نماز قلیق بیورلمشیکن یادخان خبیث
 ایچون او جله افچه ویران و کیجه سنده و کونده که یکر می درت بیک نفسدر
 انک اکثریسی بدر ایجه ایله ملوث ایدن کیسه روز قیامتده نه وجهله جواب
 ویره جکدر (خوش تماشاگاه ایدی محشر حسابی اولسه) دیدیکی کبی (اما
 الحساب دینلان کلامدن مراد آنک بو یوزدن سؤال و حساب اولنماسنه صدق
 ایله ایناتمقدر و ایناتمک علامتی حقیق بیوردیغنی طومتقدر عاقل اولانه بوماده ده
 بو قدر نصیحت کافیدر و آفات بطنده دخانک زیاده بیانی کلسه کرکدر ان شاء الله
 تعالی (ایکنجی قسمی بدعت حسنه در که مستحب و مندوب دخی دیرلر که شارع
 شریعتدن برطر یقله اذن اولان یرلرده در مناره و مدرسه و مکتب و تصنیف
 کتب و ملعقه ایله اکل ایتمک کبی و علما بول یکلای فراجه کیمک و عمامه سنی
 قبارتمق بو قسمدندر پس بونلرک هر برنده اذن شریعت آکنور مثلامناره وقت
 صلاحتی اعلام ایتمک ایچون مأمور اولان اذانک ایشیدلسنه یاردمدر و مدرسه
 و مکتب و تصنیفات تعلیم و تبلیغه معاونتدر و قس علی هذا (کذلک عاشورا
 آشنی پشیروب اولشدر مق بدعت حسنه اولوب مقابله سنده ثواب امید اولنور
 دیوقنیه نام کتابده یازلمشدر (اوچنجی قسمی بدعت واجبه در ملحدلرک و زندقلرک
 شبهلرینی دفع ایتمک نظم دلائل و تصنیف عقاید کبی و بوزمانه ده مصحفارده
 نقطه یازمق دخی بو قسمدندر که اکر چه بونلر دخی بدعتدر (اما وجوده
 کتورلمسی واجب اولوب مقابله سنده ثواب وترکنده عقاب اولمق احتمالی
 مقرردر (در دنجی قسمی بدعت سیئه در که شریعت مطهره طرفندن ایشله سنه
 اصلا اذن اولیوب بلکه مردود و ایشلیان کیسه شفاعتدن مطرود اولسی
 مذکوردر و بو قسم بدعت یا اعتقادده اولور و یا عبادتده اولور (اما اعتقادده
 واقع اولان بدعت کیسی کفردر و کیسی جله کبائر دندر اولو کناهدر و یوم
 قیامتده عذری مقبول اولماسه کرکدر رافضیلر و جبریلر و قدریلر مذهبنجه
 اعتقاد طومتق کبی رافضیلرک اعتقادی حضرت علی ابو بکردن افضل اولوب
 خلافت انک حقیق ایدی دیو حضرت ابو بکره و عمره عداوت ایدرلر حتی بر
 فرقه سی مبالغه ایدوب رسالت حضرت علی یه کلجک ایدی جبریلر یا کلوب مجده
 کتوردی حضرت عائشه رضی الله تعالی عنہا یی حاشازنا ایله تهمت ایدرلر بو ایسه
 محض کفردر و بو رافضیلرک ترها تیدر که سلیم الصدر مؤمنلر اراسنه دوشوب
 انی ورد ایدنمشلردر بیلزلر که کندیلرین غضب الهی یه مستحق ایتمشلردر جله دن

مطلب
 بدعت حسنه

مطلب
 بدعت سیئه

بری اون ایکی امام دعاسی دیو یازدقلری و شرحنده مبالغدلی قاندقلری اول
 طائفه نك ایجادیدر کتب معتبراته اولدیغندن ماعدا ایچنده درج اولان
 صلواتی انی ردایلر زیرا صلاة و سلام پیغمبر لردن غیری کیمسه نك اوزرینه اصالة
 کتور نك حرامدر دیو علماء عظام بیان ایتشلردر کذلک قرآن عظیمدن برشی
 یانجه کتور مک واجب اولمیوب آنسزدخی آته بنک و قلیج قوشانق جائز ایکن
 و حرام دکل ایکن نه ایجاب ایتدیکه اول دعاء طاشیق کیمسه یه آته بنک حرام اوله
 بودعا رافضیلرک ایجادی اولدیغنه هیچ شبه اولنمیوب قنده بولنور ایسه آتسه
 یاقه لر (و معلوم اوله که صحیح اولان دعالری و آیت کریمه لر ییدی قات مشمع
 ایچنه قیوب یانجه خائل دیو طاشیق جائز میدرد کلیدر دیو علمامن اختلاف ایتشلر
 قول صحیح جائزدر و رافضیلرک ایجادندن بری دخی ناد علیا دعاسیدر که قزلباش
 شعریدر اکا دعادر دیو اعتقاد ایتک و اوققی و طاشیق محض خطادر زیرا * ناد
 علیا مظهر الجمایب تجده عونالک فی النوائب * بریتدر معناسی بودر که یا محمد
 سن علی بی چاغر که اول مجابیلر کوستر یجیدر جمیع بلالر کده سن علی بی معین
 بولور سن دیو حضرت علی بی قدرته مدح ایدوب پیغمبری صلوات الله علیه
 عاجز و زبونلغله قدح ایتشلردر و مزبور شعری دعادر دیو شرحنده زیاده
 بالنددر مشلردر تا که اهل سنت امتلینه اعتقاد ایتدیروب کندی طریقلرینه
 سر یجه قویمش اوله لر بوندن غیری القا ایتدکاری دعالردن بری الف الله م
 محمد ج جبرائیل ع علی دیو ایتدکاری دعادر که دیار رومده شایع اولمشدر
 چهار یارک غیریلرینی ذکر ایتمیوب حضر علی بی کتوردیکی بودر که پیغمبردن
 صکره خلافت علی نك حق ایدی و حالا امام بالحق علی اولادیدر بلکه جبریل
 پیغمبر ایکی مجده کتوردیکی یا کلدیغندن یوخسه علی یه کتور مک قصد ایتلش
 ایدی جبریل اردنجه علی بی کتوردیکی انکچوندر بو کلامی ملاعین آشکاره
 دیه مدکلردن حروفله اشارت ایلوب غزاة مؤمنینک غزا مخلنده اولان دعاء
 خالصلرینه تشویش بر ایتشلردر (یا محمد یا علی دیو یازدقلری و بعضیلری انی ورد
 ایتدکاری رافضیلرک ایجادیدر و محمد علی بی سور سن دیمک انلرک کلام فاحشیدر اهل
 سننه لازم اولان بودر که بولردن اجتناب ایدوب مشایخ عظامک اعتقاد باننده
 یازدقلری اوزره عمل ایدوب حضرت رسول الله نصکره افضل بشر حضرت
 ابوبکر در بعده حضرت عمر بعده حضرت عثمان بعده حضرت علیدر دیو اعتقاد ایتک

و کوندوزا کامشغول اولور لر ضرر دنیوی کلجک برلردن قاچنور لر اما آخرت طرفه ضرر و زیان کلجک برلردن اصلا قاچنور لر بلکه اوزرینه لایالی دوشور لر قاضی بیضاوی * ولا یغرنکم بالله الغرور * ایت کریمه سنده دیمشدر که اول کیمسه که شیطان غرورک اغواسیله معصیت ایشلر و جهنم عذابندن قورقز اکابگز که بر آدمه زهریمه صاقن هلاک اولور سن دیدکجه بنم طبیعتم زهری دفع ایدر بکا کار ایتمز دیر امدی وبال ایشیلر و آخرت قیدنده اولیسانلر هم وبال ایشلر و هم حقندن قورقوب توبه کار اولمز لر امام مؤمنه لازم اولان بویه یرامز اعتقادلردن عقیده سنی پاک ایدوب الله تعالینک امرینه امثال ونهیندن اجتناب اوزره اولدقدنصکره ینه خوف ایله رجا اراسنده اولوب نه عذابندن امین ونه رحمتندن نومید اوله امدی بدعت سیئه نک غایت یرامزی یتیمش ایکی فرقه اعتقادندن بریله اعتقاد ایتک اولدی یرامزلقدن بوندن اشاغی بدعت دین یابنده عبادت اولمیان شیلری عبادت صنوب ایتکدر بودخی بدعت سیئه در اجتنابی لازم وواجبدر مثلا چبلاق ایاغه مسح ایتک و سفرده قصر صلاة ایتیموب درت قلبی و دعوتلشوب اوچ آدمدن زیاده جماعتله نافله نماز قلبی و تعدیل ارکان ایتیمک و صفده برابر طور ممق و امامدن اول سجده یه وارمق و اول باشن قالد رmq و عند الخطبه تصلیه و ترضیه ایتک و بازار کان متاعنی مشتری یه قند رmq ایچون تسلیح و صلاة کتور مک و سؤال ایچون قیولرده و غیر یلرده * لاله الا الله * چاغرمق و صلوات کتور مک و حقه باز و خیال باز و جانباز او یونلرنده فاتحه او قومق و صلوات کتور مک و اجرت ایله قرآن او قیق و جنازه و عروس او کنجه جهرله ذکر ایتک و قرآن او قورکن و ذکر الله ایدرکن لحن ایتک یعنی بر حرف زیاده قاتمق و یا کسک ایتک مؤذنلرک الله اکبر و الله اکبر و این الله و ملائکتنه دیملری کبی و متصوفه نک رقص ایملری و مقابرده چراق و قندیل یاقق و حجر الاسوددن غیری آخاچلری و طاشلری تعظیم ایدوب اویمک بر برلرک تصمه او یملری و استادلر یشتمال قوشاندقلرنده صلوات کتور ملر کبی و میت ایچون صاغو صاغق و میت ایچون یدیسنده و قرقنده طعام اولشدرmq وریا و سمعه ایچون طعام پشور مک و خاتونلر جمع اولوب ارلر اشیده جک مرتبه توحید ایتک و مواد او قومق کبی و عورتلرک اجنبی کیمسه لرک خوش کلد یسنه و خسته اغنه و دو کونلرینه و مصیبتلرینه کیتلری و زیارت قبول ایملری بونلرک جمله سی بدعت سیئه در (و شرح اسپجاییده

مطلب
بدعت فی
العبادة

کناه کبائرند در دیو قید ایلمش انجق اعتقاد ده اولان بدعتدن اشاغه در
 و بو عبادتده اولان بدعت سنت هداک مقابلیدرکه اذان و اقامت کبی پس
 تکیم سنت هدایی وجوده کتورمکه مأمور ایسک بو بدعت سیئه نک ترکیله
 دخی مأمورز زیرا انی وجوده کتورمک ضلالتدر (اما عادت ناس اوزرینه
 جاری اولان بدعت الک استعمالی کی که مباح قسمنددر فعلی ضلالت دکادر
 انجق ترک اولسه دخی اولی ایدی و بو قسمک ضدی سنت زائده در که حضرت
 حبیب الله صلی الله تعالی علیه وسلم انی عادت ایدینوب ایلردی شریف ایشه
 صاغیله باشلق کبی و آلجق ایشه صولیله باشلق کبی و بو مقوله یه سنت زائده
 دیدکری کی مستحبه دخی دیرلر پس ایسدی بر فدلک سنت و بدعت اولسی
 بینده شبه اولسه ترکی اولدر کذلک بر برده سنت و بدعت جمع اولسه بدعت
 طرفی ترجیح اولنوب ترک اولنور چالغولی دو کونلر کبی اما واجبیله بدعت جمع
 اولسه واجب طرفی ترجیح اولنور بدعته نظر اولنمز مثلا صاغوجیله اولان
 جنازه نمازی کبی صاغو اولغله ترک اولنوب واریلور و تجهیز و تکفین اولنور
 امدی بدعت سیئه دن قورتلوق و طریق حقی طوغریجه طوتمق ایچون
 کتاب الله و سنت رسول الله یا شمی وانلر ایله عمل اینک اوزریمزه واجب
 اولدی (پس بورادن بر سوال قویدیکه بزم شریعتمزک اصلی درندر کتاب
 سنت اجماع امت قیاس سز ایسه دین طوتمق ایچون کتاب و سنتی کافیدر
 سز شریعتک جله اصولی که بناسی و تملی دیمکدر تملی بولنور قجه نیچه اوزرینه
 دوزیلن شی قرار ایدر مثلا درت دیرکلی خانه نک ایکی دیرکی اولنور قجه
 نیچه قائم اولور دینورسه جواب بودر که اجماع امت کتابدن و سنتدن برسند
 و دلیل اولدقجه وجوده کلامشدر قیاسدخی کتابدن و سنتدن بر حکمه نظر
 ایدوب او حکمی شی آخرده بولغله انی اکا نظیر ایلشدردر پس ظاهر اولدیکه
 بو ایکی سنک ینه اصلی کتاب و سنتدر وانلرله عمل ایلیوب ظاهر شریعتی که
 بو ایکیدن صدور ایدر محکم طوته و بو کلامدن ظاهر اولدیکه فی زماننا بعض
 صوفی کچینلرک شرع شریفه مخالف بدعت ایشلرینی علما منع ایلدکلرنده
 علماء ظاهر قنده حرام ایسه ده اهل باطن یاننده حلالدر دیملری و علماء
 کتاب الله حکم ایدرلر بز ایسه صاحب شریعت محمد علیه الصلاة والسلامدن
 و اگر نفسیمزه انکله قناعت حاصل اولمزه بالذات رب العزتدن مشکلمیزی صوروب
 استفتا ایدهرز دیملری و بز حلوتله و شیخمز همتیله الله تعالی یه واصل اولوب

مطلب
 سنت زائده

مطلب
 بعض متصوفه
 نک باطل
 سوزلوی

بزه جیب علوم کشف اولور کتاب مطالعه سنه واستاذدن او قومغه حاجت
 قانز وکشی حقه واصل اولمز علم ظاهری ترک ایتمنجه واکر بز باطل اوزره
 اولسق بزه نور کورمک و انبیاء عظامی کورمک میسر اولمزدی و بزدن بر مکروه
 ویا حرام صدور ایتسه (حق تعالی بزى رؤیاده اگاه ایدر بز حلالی حرامی آنکله
 بیلورز و علماء ظاهر حرامدر بدعتدر ایشیکز دیدکری واقع اولسه تکری
 تعالی بزه رؤیاده بیلدیرمز میدی دیملری بالجمله بو ترهات ملحدک و ضلالتدر
 زیرا ابتدا کتاب من الله ورسول الله اینانمیوب رب العزته صور مینجه دک
 شبه ایتکدر بو صورتده یا ایمان نروده قالدی پس بو مقوله کلام باطل ایشدن
 کیمسه یه و اجبدرکه سو یلینی منع و دفع ایلیه و کلام باطلی اولماسنده شبه
 و توقف و تردد ایتیه بو خسه دکین کیمسه دخی انلرک فرقه سنده اولوب زندیق
 اولسنه حکم ایدرز و علماز بیورمشلردرکه الهام احکام شریعتی بیلدیرمکه
 سبب دکدر رؤیا دخی بویه در با خصوص اول الهام ورؤیا کتابه و سنته
 مخالف اوله حالا که صوفیه طائفه سنک و ارباب طریقت و حقیقتک اولوسی
 و شیخ اعظمی جنید بغدادی حضرتلری بیورمشدرکه الله تعالی یه واصل اوله جق
 جله یولار قیامتدر و سد اولمشدر الا حضرت حبیب الله علیه الصلاة والسلام
 یولانی طوتن وانک ایزنجه کیدن کیمسه یه یول آچقدر و جنید حضرتلری دیمشدرکه
 بو بزم علمز و طریق و مذهبز کتابه و سنته باغلیدر تفسیر و احادیثی بیلینه
 تصوفده او یق جائز دکدر و شرعة الاسلامده بو معنایی تأیید ایدر و بیوررکه
 بر کیمسه که دینی یالکز علم توحید و کلام ایله طوتمق استسه زندیق اولور واکر
 یالکز علم فقه ایله طوتمق دیلسه فاسق اولور واکر یالکز علم تصوف ایله
 طوتمق دیلسه ملحد اولور اما بو اوچ علمی معا تحصیل ایدرسه تحقیق
 بو ورطه دن قور تیلوب دینی دخی قورتارمش اولور یعنی بو کلام علما و مشایخ
 حقنده در و مرشد کامل اولدرکه بو اوچ علمی جمع ایتمش اوله و بو اوچ علم
 ینه کتاب سنندن آلمشدر اما بو علومدن خبردار اولمز ایسه اندن ال المق
 و بیعت ایتک جدا جائز دکدر زیرا امی کشی ادمی برتاغه دوشورسه کر کدرکه
 ابدی اندن چیتما یوب ضلالتده قالور و صوفیسن خلاص ایده مز اما بو علومه
 عارف اولور ایسه خلاص ایدر تکیم کتاب مذکور شرخنده و غیریده یازمشدرکه
 بر شیخ بر کون رمضان شریفده صوفیلریله معا سفر ایدوب یوله روان اولور لر
 یاز کونلرنده واقع اوله کونشی قزدیغنده اسیلک سبیلله صوفیلره نوا حرارت

عارض اولوب صوسز اولور لر بو ائشاده ابلیس لعین قارشولرنده بر نور کوستروب
 و ایچنده آواز ایدر * انار بکم الاعلی احل لکم الافطار فافطروا * دیو یعنی دیمک
 اولور که بن سزک رب اعلا کزم وسزه افطاری حلال ایدرم افطار ایدک دیو
 صوفیلر بوشی غریبی کوروب اشیدیک نوری حقک تجلیسنی اکلایوب افطاره
 رخصت اولدی دیو هر بریسی اکل و شر به قصد ایتدیلر همان شیخلری حقه
 صغوب * لاحول ولاقوه الابالله دیدی ساعتیه اول نوریوق اولوب شیطان
 لعین ظهوره کلدی و شیخه سؤال ایتدیکه بوتجلی شیطانی اولدیغنی ندن بیلدک
 شیخ کامل ایتدیکه اوچ علمه بیلدم بری علم توحیدایله بیلدمکه حق تعالی حضرتلری
 مکاندن و جهتدن بریدر انک تجلیس و کلامی دخی جهتدن و مکاندن مستغنی در
 ایکنجی تصوف علیه بیلدمکه اهل تصوفک اتفاق بونک اوزرینه در که مادامکه
 انسان کندی وجودندن خبردار اوله و بئلك ارادن کیدوب فدافی الله اولمیه تجلی
 حقه و اصل اولماز بزایسه حالا بو مرتبه یه کلیوب وجودمزک تصرفنده تقید اوزره
 اولدیغمزدن بیلدک که بو حیله شیطانیدر او چنجی علم فقهله بیلدمکه فقهاء عظام
 بیور مشلدر که صائم اولان ادم مخصوصه حالنه یعنی اچلقدن و صوسزلقدن جان
 و یرمک دمنه کلیه اورجن بوزمق حلال دکدر بزایسه حالا اولدمه کلوب
 صوسزلقدن بو کالمق بوندن دخی معلوم اولدیکه بو حالت شیطانیدر پس شیخ
 مزبور بو اوچ علمه مالک اولمغله صوفیلرینی غائله شیطانیه دن خلاص ایلدی
 اکر بو علمدن بی خبر اولسه صوفیلرایله معاضلاته دوشردی ایمدی معلوممز
 اولدیکه مشیخت علمسز اولماز زیرا صوفیلرده چوق در لو حالت ظهور ایتکه
 باشلر کیمی از او یومادن و کیمی از یمدن دماغی قورومسندن گاه هواده نورانی
 خیالات و گاه رؤیاده انواع حالات مشاهده ایلر و گاه محض اضلال شیطاین
 اولوب یولدن چیقاریر لر تکیم مناقب متقینده یاز مشدر شیخ عبدالقادر کیلانی
 زماننده صوفیلردن بری دیر ایشکه هر کچه ملکر کلوب بکات کتوروب بنی
 جنته ایلنور لر و صباحه دک جنت نعمتلیله ذوق ایدوب اکلنورم پس بو کلامی
 شیخ مزبورک قولاغنه قویار لر شیخ صوفی یه تنبیه ایدر که برغیری کچه سنی
 کتور دکرنده * اعود بالله من الشیطان الرجیم * دیوب یا شیخ عبدالقادر دیوبنی
 دعوت ایله دیر پس صوفی دخی بو تنبیهی خاطرندن طوتوب اخشامسی یندملکر
 شکلی کلوب صوفی آلوب کیدر لر و جنت شکلی یرده ایندیروب او کنه طعام
 کتور دکرنده شیخک تنبیهی اولوقت خاطرینه کلوب حقه استعاذه ایدوب

مطلب
 حکایه غریبه

یا شیخ عبدالقادر دینچه اول ملک صورتلر جمله سی اصلی اولان شیطان صورتلرینه
 تبدیل اولور و جنت کورونن مکر کلخن ایمش و اوکنه قونیلان نعمت حیوان لشی
 اولدیغن کوروب این بین اولور در حال شیخ دخی چیقہ کلور هی بیچاره سنک
 جنت و نعمت دیدیکک بونلر میدر صوفی بی اول ورطه دن خلاص ایلر (ایمدی
 بونک کبی ورطه لری اکلامغه علم لازمدر تشکیم طریقه جنید بغدادی شیخی
 اولان سری سقطی دن نقل ایدرکه دیمشدر تصوف یعنی صوفیلیق اوج
 معنائک آیدر بری بودرکه معرفت نوری ورعی یعنی پر هیزلکی نورینی سو یوندر میه
 حاصلی رخصت طرفلرینه یا پشمیه و ایکنجی بودرکه بر باطن علمک دعوا سنی
 ایلیه که انی ظاهر کتاب بوزه او چنجی اولدرکه کرامتی بر مرتبه چیقار میه که
 انده حقل حرام ایتدیکی شیئک حلال اولسی اکلانه مثلاً نقل اولتور که بعض ولی
 میخانه دن دستیله شراب الوب اوینه کیردیکی کبی یا صویه تبدیل اولور و یا غسل
 شربتی اولور پس بومقوله ایش ایتک صوفیلیق دکلدرد و بازید
 بسطامی رجة الله علیه بعض اصحاب و احبابنه بر کون دیر که
 کلک کیده لم بر شیخ ولیدکه شهرت بولوب عوام ناس زیارتنه و اریور لو
 بردخی و اروب کورملکه نه مقوله زاهدرد پس احبابی روایت ایدرلو که شیخاه
 معا مزبور زاهدک زیارتی قصدیله مسجده واردق اول دخی اوندن چیقوب
 مسجده کلوب کیردکه قبله یه قارشو تو کوردی بازید بسطامی همان علی
 الفور مرقوم شیخه سلام ویرمدین و آشالقی ایتدین دونوب کتدی و دیدیکه
 بر آدمکه آداب رسول الهی حفظ ایتده امین اولیه یادعوا ایتدیکی ولایت
 و کرامتنده نیجه امین حق اولسون (وینه جنید اصحابنه خطابا دیدیکه اکر
 بر آدمی کرامتله کورر سکز که هواده بغدادش قوروب اوتورمش صقین ولیدر
 دیو الدنماک تا کور مینجه که الله تعالی نک امرینی ونهینی نه یوزدن طوتار
 و شریعت حدو دنی کوزه درمی کذلک شیخ سهروردی بیور مشد که اکر
 بر کیمسه بی کورر سکز که هواده اوچار و صو اوزرنده یورر و آتش یودر اما
 فرائض الهدن یاسنت مصطفویه دن برینی ترک ایدرسه تحقیق سحر و کذابدر
 وینه جنید بغدادی نقل ایدرکه سلیمان دارانی که مشایخن اولو
 کیمسه در دیمشدر مشایخ سوزلردن بعض دفعه قلبه یا قشمر نکته دوشردی
 و بن اول نکته بی قبول ایتدم الاقرآن عظیم الشاندر و حدیث رسول الهدن
 ایکی دلیلک شهادتیه (و ذوالنون مصری رجه الله که اولو مشایخندر